



## Sıd la hakuka f sok yel-zısg kibare, la ad yaa naana ne Wënd sën yols a soaba

Yii a Mu'adz [bn Ğabal nengë (Wënd yard be a yĩnga) a yeelame: Mam rag n bee ne Nabiyaamã (Wënd puusg la A tılgı be a yĩnga) so-toak pugë, tı mam yı raar a yembr n pëneg-a n yude, tı tønd kēnde, tı mam yeele: Wënd Tën-tuumã, kō maam kibar ne tuumde, sën kēesd maam arzāna, la zāagd maam Būgmã, a yeele: «Sıd la hakuka f sok yel-zısg kibare, la ad yaa naana ne Wënd sën yols a soaba, tũ Wēnde, n ka maan lagem-n-taar ne-A baa fuı, la f yānes ne Puusgo la f kō zaka, la f loe Ramadaan, la f kaag Roogã». Rë poorë t'a yeele: «M kōn n tees foom n tug yel-sōmã wã ragnooıe: no-loeerã yaa gāngo, la doaagã kiisda tuum tuuti wã wala koomã sën kiisd bugumã, raoa Puusg yun-suka». A yeele: rë poorë t'a kareme: «{B kiremsã lakdame n basd gāasã-zıis} halı n tug n tãag {n tumdë wã rolbo.}». Rë poorë a yeele: «M kōn n kō foom kibar ne yellã zu-raoogã la a zeng-raoogã la a yugem zegrã»? Tı m yeele: n-ye Wënd Tën-tuumã, t'a yeele: « Yellã zu-raaog yaa lıslaangã, la a zeng-raoogã yaa Puusgã, la a yugemdã zegrã yaa Gihaadı wã». Rë poorë t'a yeele: «M kōn n wilg foom ne woto tallg fãa gilli?» Tı mam yeele: n-ye, Wënd Tën-tuumã. T'a gād mam zelemdã n yeele: «Gād fo wāndı wã». Tı mam yeele: Wënd Nabiyaamã, rë yĩnga b na n yōka tønd ne d sën gomdã bu? T'a yeele: «Ad f ma kongo-f wε Mu'adz, rë yĩnga b fōgemda nebã Bugmë wã b nemsã zutu maa b yegã zutu, tı sã n ka b zelmã sën kēebã».

[Şahuhun bi Mağmuu' Turukihı (A manegame tı b sã n lagem a sōya fãa gilli)] [A At-tirmiiziy la a [bn Maağa la a Ahmad n togs-a]

A Mu'adz yeelame (Wënd yard be a yĩnga): Mam rag n bee ne Nabiyaamã (Wënd puusg la A tılgı be a yĩnga) so-toak pugë, tı mam yı raar a yembr n pëneg-a n yude, tı tønd kēnda, tı mam yeele: Wënd Tën-tuumã, kō maam kibar ne tuumde, sën kēesd maam arzāna, la zāagd maam Būgmã, a yeele: sıd la hakuka f sok yell tuum sën yaa zısg yōyë wã kibare, la ad yaa naana ne Wënd sën yols a soaba, kō lıslaamdã faril-rãmbã a nu wã: Rēenemã: tũ Wënd A Yembre, la ra maan lagem-n-taar ne-A baa fuı. Yiib soaba: Yals farilã Puus-rãmbã, wındg la yungo: Fagiri, Zafare, Laasare, Magriba, Sāanfo, la b sart-rãmbã la b zeng-raadã, la b waagib-rãmbã. Tãab soaba: yiis Zakã yãkr sën yaa tılae wã, la yë yaa tũudum ne arzeka, lidg fãa sën ta alkadr b sën yãk toaaga, sãri wã pugë tı b mië, tı b yãkd n kōt neb nins sën sōmbã ne-a wã. Naas soaba: loe Ramadaanã la yēnda yaa f sën na n gād f menga n yi rubo la yũubu, la zēng sën ka b yiibã, sën kaood noor buud fãa, ne tũudum Anniya, Fagirã pukr n tug n tãag wındgã luuse. Nu soaba: Maan Roogã hagiimdu ne Mak toglgo, n na n yik ne tũudum tuuma, Wënd tũudum yĩnga, (A Naam yı wagell n zëke). Rë poorë t'a yeele (Wënd puusg la A tılgı be a yĩnga): M kōn n wilg foom soyã sën taasd yel-sōmã wã ragnoya? La woto yaa f sën na n pug faril-rãmbã la naafı-rãmbã: Rēenemã: yam-raabã no-loeere, la yēnda gudgdame tı f ra lu

Wënd kuisgē ye, la woto yaa a sēn kaood yamleogā, la valem sd pāngā. Yiib soaba: yam-  
raabā doaagā, a kiisda tuum tuuti wā, b maanegā poorē, la a loogd ne-b la a yēesd b vūunā.  
Tāab soaba: Tahagud Pūusgo, yungā sēn pu tāab yaoolem soabā, rē poorē t'a karem Wënd  
koεεg sēn yeele: (A Naam zēk yā) : {B kīremsā lakdame}: rat n yeele: zāagdame {n basd  
gāasā-zīis} rat n yeele: gōeemā zīigē {n bōosdb b Soabā yeεsg la yā-beed yīnga, la b yākd  
Tōnd sēn dlǵ-ba n maand sārā (neere). Rēnd yōor ka mi b sēn solg n bīng-ba sēn yaa sū-  
noog la nif-maagr ye} rat n yeele, būmb ning sēn na n maag b ninā dūni yikr raarā, arzānā  
neemā wā pugē, {tī yaa b sēn da yī n tumdē wā rolbo}. Rē poorē tī Nabiyaamā yeele (Wënd  
pūusg la A tūlgr be a yīnga): M kōn n kō foom kibar ne dīinā yēgre? La zeng-raoog ningā a sēn  
tikd a zugā? La a yugem zegrā? A Mu‘aaz (Wënd yard be a yīnga) yeele: n-ye Wënd Tēn-  
tuumā. Nabiyaamā yeele (Wënd pūusg la A tūlgr be a yīnga): Yellā zu-raaog yaa līslaangā, la  
yēnda yaa kaset-rāmb a yiibā yeelgo, yaa ne b yiibā la ninsaal talled dīinā yēgre. La a zeng-  
raoogā: yaa Pūusgā, rēnd līslaang ka be Pūusgā kaalem pugē, wala roog sēn ka be, zeng-  
raoogā kaalem pugē wā, rēnd ned ning sēn pūusa a dīinā paamda pānga n zēk yīngri. La a  
yugemdā zegrā la zēkrā, yaa ne Gihaadi la nidg pānga dīinā bεεbā zabr pugē, sēn na yīl n  
zēk Wënd Gomdā. Rē poorē, Nabiyaamā yeele (Wënd pūusg la A tūlgr be a yīnga): M kōn n kō  
foom kibar ne sēn loogā maan-tī-yī sōma? Tī Nabiyaamā gād a zelemdā (Wënd pūusg la A  
tūlgr be a yīnga) n yeele: Gūdg yāwā la f ra gom ne būmb ning fo sēn ka pak foom ye. A  
Mu‘aaz yeele: rē yīnga d Soabā na n yōka tōnd la A geel tōnd la A sūbg tōnd ne ye l nins d sēn  
gomdā bu? Nabiyaamā yeele (Wënd pūusg la A tūlgr be a yīnga): f ma kongo-f wε! La gomdā  
tulsem ka a kāabg ye, la ad a yaa Laarab-rāmb gomde, tī yaa nekre n tug yell, b sēn sōmb n  
neke la b bāng-a, rē poorē a yeele: rē yīnga b fōgemda nebā la b lubd-b a memsā Bugmē wā,  
tī sā n ka b zel mā wā sēn kēebā, sēn yaa kīfēndem la wāag-n-rogle, la tuubo, la wīdbo, la  
tēng-kā-wēenem, n la zīri wāagr la sēn wōnd rēndā.

<https://sunnah.global/hadeeth/mos/show/4303>

النجاة الخيرية  
ALNAJAT CHARITY

